

Le dotur Eduard Agreiter é demez indoman lõnesc, 7 de novèmbër, y vëgn sostitui dala doturia Grete Mahlknecht 349 06 67 034.

Les incuntades dl'Aministrasiun de comun cun la popolaziun vëgn tignides:  
- ai 14/11 (lõnesc) a Lungiarü dales 20.00 tla palestra  
- ai 16/11 (dedemesaledema) a S. Martin dales 20.00 tl salf dl Istitut Ladin.

La defensuria zivica vëgn en vëndres, ai 11 de novèmbër, dales 14.00 - 17.00 tl salf di stödafüch a San Martin - prenotaziun 0471 946 020.

#### SAN MARTIN

La domènia che vëgn, 13 de novèmbër, é la Domènia dla Caritas, le medemo de tignunse ince la festa de San Martin che passènia lapró. Do mëssa é dõta la popolaziun inviada tl salf dl Istitut a na incuntada cun le Consèi de Cõra: al vëgn dé informaziuns y dedò é l'ocajun da fá domandes, conscideraziuns, propostes y critica costrutiva. Por n pice buffet dedò é dõtes les families periades da porté val' da mangé dan mëssa tl Istitut. Gnide, la vita dla cõra nes reverda duc!

La Uniun dles Ères organisèia cun le Grup dles Families „Nadé tla scatora dai cialzá“ por ti fá na scincunda a mitans/uns manco fortuná. An tol y decorèia na scatora dai cialzá, te chëra ch'an pó mëte ite scincundes por mitans/uns dai 2 ai 4 agn, dai 5 ai 9 agn y dai 10 ai 14 agn (an ciafa etichètes alado). An pó mëte ite: scincundes wow, jüc, articui por l'igiena, patüc da scora, duciaries y quant. Les scatores pón dé jö tl salf di stödafüch de novèmbër: jöbia ai 10, dales 14.00-15.00, sabeda ai 12, dales 10.00-12.00 y lõnesc ai 14, dales 14.00-15.00. Tla scora elementara, tla scolina y tla ciasa di pici vëgnel partí fora la brosciura.

La Uniun di Seniors da San Martin y Antermèia invièia ala marèna, ciastagnada y sentada generala en domènia ai 13 de novèmbër 2022 tl salf dla refeziun a San Martin. Por porsona é 15 Euro da paié, prenotesse cina ai 10 de novèmbër pro Alfred Ploner 333 36 54 786. Gnide a sté n pü' adöm!

#### LUNGIARÜ

Duc i mituns y mitans è dër bel invia en vëndres ai 11 de novèmbër dales 17.00 dan scora a na picia festa de San Martin. Tolésse do les linternes! Dedò ves gnarál pité val' da bère y da sgolósé; chi che i acompagnèia periunse do na spèhora de buna man.

-----  
La biblioteca Sas dla Crusc invièia en dedolõnesc ai 8 de novèmbër, dales 15.00 te biblioteca a San Martin a n domisdé cun stories, pastelné y jüc por mitans y mituns dla scora elementara.

La Uniun Musighes Val Badia invièia al concert "Soms deboriada" adöm cun le grup SaxRoyal en sabeda, ai 12 de novèmbër, dales 20.00, tla hala da tennis a Corvara. Dales 21.00 inant aurela cõrta adöm cun la Böhmische di Jogn Val Badia, Böhmische da La Val y i SaxRoyal. Duc é dër bel invia da gní a ascuté pro.



## Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net  
curat siur Heinrich Perathoner 339 65 74 213  
redaziun: anton.gasser@rolmail.net - 348 27 44 517 / 0474 523 194

**06.11. - 13.11.22 n. 50**

<https://www.valbadiaonline.it>

ultimo termo por comunicaziuns: jöbia, dales 20.00

### 32ª DOMÈNIA IA POR L'ANN C

#### Vangele do Lùca 20,27-38

Dailò ti à Gejù respognü ai saduzês che neghèia la ressureziun:

Mâ te chësc monn é l'èi y ères che se marida.

Chi che Idî indere arata dëgn

de tó pert al ater monn y ala ressureziun di morc,

ne se maridarà spo nia plü.

Ai ne sciafia gnanca plü da morì,

deache ai é sciöche agnui

y tres la ressureziun ési diventà fis de Dî.

Mo che i morc ressurec,

à bele Mosè indiché tla cuntia dla trognora,

canch'al nominèia le Signur

Dî de Àbraham, Dî de Ìsach y Dî de Iàcob.

Al n'è pö nia n Dî di morc, mo di vis;

deache por èl ési duc vis.



*Ala minunga di saduzés,*

*che la vita tl ater monn é ma n arlungiamënt de chësta vita,*

*ti respogn Gejù:*

*I èis na püra imaginaziun dla vita do la mort. La realté é cotan maiú.*

*La mort sará superada y la lege biologica de chësc monn n'ará plü nia da dí.*

*Te súa esistënza nõia de "fis de Dî"*

*esperimentará i ressurís pormó ci che vita deplëgn ó dí.*

*La vita "eterna" cun Chël Bel Dî nes dará contentèza y ligrèza deplëgn.*

*An pó s'imaginé da avèi la sensaziun*

*sciöche chëra de dui inamora che s'incunta y se ciara ti edli*

*y vá porsura dala blota fortuna y reconescënza.*

da "Te Deum"

| EDEMA                                                                                  | SAN MARTIN                                                                                                                                                                                                                                                                                                                                                                            | LUNGIARÜ                                                                                                                          | <p><b>Nosc dagní</b></p> <p><i>Bel Dî, tō es tres maiú<br/>co ch'i s'infidun da s'aspeté:<br/>Tō fejes cosses nōies, gnanca da nen dí;<br/>sce le monn incēr nos toma adöm<br/>mëteste en opra tūa creaziun nōia.<br/>Fá ch'i s'intenunse<br/>che te operëies te nosc tēmp,<br/>por ch'i ne s'architunse nia<br/>pro ci che é passé<br/>y ch'i ne stunse nia a té chirí<br/>olache te n'es nia.<br/>Vásse danfora,<br/>tō che t'es nosc dagní.<br/>Láscesse chirí trus nūs<br/>y dëidesse deboriada da tigní dūr<br/>te dōta la malsegurté.<br/>Mo dásse la segurté<br/>che tūa forza operëia ince incö<br/>y che te renovëies demeztrú le monn,<br/>por Crist, nosc Signur. (F.Cromphout)</i></p>  <p><b>Benedisciun</b></p> <p><i>Dî, tō amí dla vita, benedëscesse.<br/>Renforza nosta fede<br/>ch'ara nes condüjes ala vita.<br/>Dëidesse conësce<br/>coche te operëies te nosta vita.<br/>Condüjesse da te<br/>ch'i ciafunse la plenëza dla vita.<br/>Amen.</i></p> |
|----------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>06.11.22</b><br><b>32ª Domënia ia por l'ann C</b>                                   | <b>9.00 Corona</b><br><b>9.30 Gran Mëssa por la comunité</b><br>por i Tomá te vera<br>dl ann + Maria Dapunt Erlacher<br>dl ann + Franz Conrater, Ciapin<br><b>11.30 Bato de Valire Dejaco</b>                                                                                                                                                                                         | <b>7.50 Corona por i defunc</b><br><b>8.15 Gran Mëssa por la comunité</b><br>por i Toma te vera<br>en onú de S. Ojöp Freinademetz |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
| 07.11.22 <b>Lönesc</b> Ernst, Carina                                                   |                                                                                                                                                                                                                                                                                                                                                                                       |                                                                                                                                   |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
| 08.11.22 Gottfried, Gregöre<br><b>Dedolönesc</b>                                       | 19.00 <b>Mëssa</b> + Sepl Trebo, Pension Tor<br>+ Regina Craffonara<br>+ + + Maria, Pire y Tone Unterweger                                                                                                                                                                                                                                                                            |                                                                                                                                   |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
| 09.11.22<br><b>Dedemesaledema</b><br>Segra Basilica Laterana, Roland                   |                                                                                                                                                                                                                                                                                                                                                                                       | <b>7.30 Mëssa</b><br>+ + Pio y Pire Mischi<br>+ + Serafin y Emma Clara                                                            |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
| 10.11.22<br><b>Jöbia</b><br>Leo le Gran, Iustus                                        | <b>7.30 Mëssa</b><br>dl ann + Edmund Frenner<br>de rengraziamënt por na defunta<br><b>Corona por vocaziuns</b>                                                                                                                                                                                                                                                                        |                                                                                                                                   |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
| 11.11.22<br><b>Vëndres</b><br>Martin da Tours                                          | <b>17.00 Funziun de San Martin</b><br><b>cun mituns/ans y families</b><br><b>18.30 Adoraziun chîta</b><br><b>19.00 Adoraziun deboriada</b>                                                                                                                                                                                                                                            | <b>7.30 Mëssa</b><br>+ Maria Pedevilla<br>+ + de Vanc<br><b>17.00 Picia festa de S. Martin</b> dan scora                          |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
| 12.11.22<br><b>Sabeda</b><br>Iosafat, Renat, René, Diego                               | <b>19.30 Mëssa prefestia</b> (siur Klaus)<br>+ Maria Pedevilla<br>+ + Iarone y Bia Erlacher, Fornela<br>+ + Otto y Maria Erlacher                                                                                                                                                                                                                                                     | <b>18.00 Mëssa prefestia</b> (siur Klaus)<br>de rengr. fam. Hubert Pezzei<br>+ + Vinzenz y Any Clara<br>+ Ida Nagler              |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
| <b>13.11.22</b><br><b>33ª Domënia ia por l'ann C</b><br><br><b>DOMËNIA DLA CARITAS</b> | <b>Festa de nosc patron San Martin</b><br><b>9.00 Corona</b><br><b>9.30 Gran Mëssa por la comunité</b><br><b>cun presentaziun di sorvidus nūs</b><br><b>Oferta por la Caritas</b><br>de rengraz. en onur a San Martin<br>vis y def. fam. Sepl y Gemma Frenes<br>+ + Perpetua y Rita Rubatscher<br><b>dedô: Indunada dla comunité cun</b><br><b>le Consëi de Cōra tl Istitut Ladin</b> | <b>7.50 Corona por i defunc</b><br><b>8.15 Gran Mëssa por la comunité</b><br>de rengr. a siur H. Videsott y ai Agnui Custodi      |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |